

Տէր-Անտոնեանը, որի պատմութիւնը նիւթ ծառայեց բազմաթիւ բողոքների ու հեռագրների փոխանակութեան Հայաստանի և Ադրբեջանի կառավարութիւնների միջև:

Դեկտ. 18-ին Օրդուբաթի և չրջանի զինւած թուրքերը յարձակեցին ու սկսեցին թալանել Ներքին Ագուլիսը: Ազգաբնակչութիւնը թողնելով իր ամբողջ ունեցւածքը՝ փախաւ Վերին Ագուլիս: Վերջինիս ներկայացուցիչները դիմեցին Օրդուբաթ, Թիւրքական հրամանատար Էդիֆ բէյին՝ խնդրելով ապահովել հայերի կեանքը: Էդիֆ բէյը անձամբ եկաւ Վ. Ագուլիս ու խոստացաւ անհրաժեշտ միջոցները ձեռք առնել Ագուլիսի պաշտպանութեան համար: Սակայն, չրջակայքում հետզհետէ սկսեցին հաւաքել թրքական զինւած խմբեր: Ագուլիսեցիների դիմումները վրա՝ Էդիֆ բէյը հանգստացնում ու երդւում էր անվերջ, թէ հայերի դիմից մի մագ անգամ չի վնասւի:

Դեկտ. 25-ին Վ. Ագուլիս եկան Օրդուբաթի շէյխն ու գաւառապետ Թալիրովը: Սրանց հասնելուց մի ժամ յետոյ, քաղաքում լսեց հրացանաձգութիւն և աղմուկ. թուրք զինւած խուժանը թալանում ու կոտորում էր հայերին: Վառուց Սարգիս Հախնաղարեանի տունը, և հրդեհը սկսեց տարածւել: Հայերը շէյխի առաջնորդութեամբ փոխադրեցին թրքական թաղը: «Գիշերը, պատմում է Տէր-Անտոնեանը, հրդեհը բռնեց ամբողջ քաղաքը, և քաղաքում խրախճանք էր կատարւում: Առաւօտեան գաւառապետ Թալիրովը յայտարարեց, որ ինքը գնում է Օրդուբաթ՝ դիմաւորելու համար իջալիլ փաշային, որը, իբր թէ, մեկնում է Պարսկաստան: Եւ ասաց, որ այնտեղից կը յայտնէ, թէ՞ ո՞ր պէտք է ուղարկել հայ գաղթականներին՝ հայկական Ցղնա գիւղը՞, թէ Պարսկաստան: Նրա գնալուց յետոյ, ժամը 12-ի մօտերը, յայտարարեց, որ կարգադրութեան համաձայն, հայերը պիտի ուղարկեն Ցղնա և որ նրանց ուղեկցելու է ինչ որ մի Սաթթար (Դոնիս գիւղացի, յայտնի աւագակ, տաժանակիր աշխատանքից փախած): Ազգաբնակչութիւնը երբ որ իմացաւ, սարսափահար եղաւ. դիմեց Էդիֆ բէյին, որ ինքը ուղեկցէ հայերին: Բայց Էդիֆ բէյը պահել էր սենեակում ու խուսափում էր հայերից: Ես վազեցի ոստիկանապետ Մուշիկի մօտ (15 տարի առաջ եղել էր իմ գրագիրը), որը պահեց ինձ իր մօտ: Երբ բնակիչները մտրակներով դուրս քշեցին, ես լսեցի հրացանաձգութիւն, ոչ թէ անկարգ, այլ համադարկերով: Համադարկերը շարունակեցին մօտ երկու ժամ: Ո՛չ մի կասկած չկար, որ համադարկերը տրւում էին կատարելապէս կազմակերպւած զօրամասերի կողմից: Երբ համադարկերը լռեցին, իմ պահւած սենեակը բերին 30-ի չափ գեղեցիկ հայուհիներ՝ օրորդներ ու տիկիներ: Սկսեցին սենեակ մտնել ոստիկանապետ Մուշիկը, նախկին տանուտէր Վահաբ էֆէնտին, Սաթթարը և ուրիշներ, որոնք մէկ-մէկ երկու-երկու ընտրում ու դուրս էին տանում գեղեցիկ հայուհիներին՝ նախօրօք խլելով նրանց մօտի զարդեղէններն ու դրամը: Դուրս տարած հայուհիներին բռնաբարում էին հարեան սենեակում: Նոյն սենեակում, մահճակալի տակ, պառկած էր թալանւած Սարգիս Մարխանեանը, որի կնոջ ու երկու զաւակներին սպանել էին հէնց իր աչքի առջև: Նրա խորհուրդով, մենք դուրս եկանք յետեւի դռնից — ոչ ոք չէր հսկում, ամենքը գրաււած էին բռնաբարութիւններով — և այգիների միջով հասանք աւերակ Դանակերտ գիւղը ու այստեղից էլ Ցղնա ու Զանգեզուր, որտեղից ես եկայ Երևան: Ես ինքս տեսայ, թէ ինչպէս թալանին ու սպանութիւններին մաս-